

Le boifê Yo a ba
le matla a xo lahlêla
moleteng.
Luka 12:5

MOŠUPA TSELA

Ebangedi ya Kreste e le
matla a Modimo a xo phološa
mang le mang e a dumêlaxo.
Ba-Roma 1:16

PEDI – “Not Fables but Power”

Ga Se Dinonwane-Eupša Ke Matla A Modimo!

MATLA A A PHOLOŠAGO

“Gobane ge re le tsebiša matla a mong wa rena Jesu Kreste le go tla ga gagwe, e be e se go le anegela dinonwane tša mahlajana a batho; rena bogolo bja gagwe re bo bone ka mahlo.” (2 Petro 1:16).

Batho ba bangwe ba re Beibele ke dinonwane, ditaba tše di tšwago megopolong ya batho. Eupša moapostola Petro o re botša ka tša matla a Jesu le go tla ga gagwe. Ba ile ba mmona a fetoga le bopo thabeng, ba bona letago la gagwe, ba kwa lentšu le e-tšwa lerung la re: “Yo ke yena Moratwa wa ka; le mo kwe.” (Mareka 9:27).

Moapostola Paulo o boletše a re: “Ga ke na maseme ka Ebangedi ya Kreste, hleng e le matla a Modimo a go phološa mang le mang e a dumelago, go thoma ka Ba-Juda, go iša pele ka Ba-Gerika.” (Ba-Roma 1:16). Jesu Kreste o tllile go phološa badiradibe. Ga go na motho yo Jesu a paletšwego go mo phološa ka baka la bobé bja gagwe 'me ga go na yo go sa hlokegogo gore a phološwe.



LEGAGA LA MALETSUNYANE
(Lesotho)

Ke gona mo moo Masoebe, ngaka ye kgolo ya ditoalo, a lathletšeng 'phoko tša gagwe, le dithlare kamoka tša bohetene le le ditaola ge a šetše a hweditše bophelo bjo bofsa go Kreste.

O kgona go phološa-moka, go phološa bao ba batamelago Modimo ka Jesu Kreste. (Ba-Hebere 7:25). O na le matla a go phološa setagwa, lehodu le wa maaka. O ile a phološa mmolai sefapanong. A phološa seotswa sa Samaria. A phološa segafa sa Gadara se se bego se na le dikete tša meoya ya ditšhila. O ile a kgalema ledimo le lewatle a phološa Petro gore a se sobele. O phološa batho ba ba swanago le Saulo wa Tareso yo a bego a le moikaketši 'me a tla a ba Paulo, moapostola yo mogolo.

Mono Afrika Morena o phološitše dikete tša batho. Ba bangwe e be e le ditagwa, ba bangwe diotswa tša banna le basadi. Ba bangwe e be e le dingaka tše kgolo. Enngwe ya tšona e be e le monna yo a bitšwago Masoebe. O be a phala dingaka ka moka ka matla mehleng ya gagwe. O be a tseba go dira ditokoloji (meoya ya ditšhila). O ile a re o na le matla a go neša pula. E be e le setagwa le seotswa. Eupša letšatši le lengwe, ge a kwa Ebangedi 'me a bona ka mo Modimo a fodišago balwetši le digole ka ntle ga melemo,

Masoebe a sokologa, a phološwa ka tsela e makatšago. A boela gae, dithabeng tše telle tša Lesotho. A kgobakantša dihlang tša gagwe ka moka le ditaola le dipheku a di lahlela phororong e kgolo ya Maletsunyane. A fiša motsoko wa gagwe le patše ya gagwe, a tšholla mabjalwa a gagwe ka gobane o be a ikemišeditše go lesa bjalwa bja mehuta ka moka le metsoko yohle. A tla a ba mokreste e a tiišeditšego, a tsebja ke bohle a le monna wa nnete wa Modimo. Kreste a nnoši o kgonne go fetoša bophelo bja motho yo.

Ke tseba motho yo mongwe yo mofsa yo a bego a le tsotsi (mohlakodi). O be a phela ka go utswa, ka go fora le ka go hlakola mo a yago. O be a e hlwa a le kgolegong. Eupša matla a Modimo a ile a phološa monna yo ruri, a fetoša bophelo bja gagwe ka moka 'me a mo dira segoeledi sa Ebangedi. Bjale makgolo a batho ba mehuta-huta, bahlakodi, ditagwa, mahodu le babolai, badiidi le bahumi, babašweu le babaso ba phološwa ka go kwa Ebangedi ka molomo wa gagwe.

Ke ona matla ao a a phološitšego le nna mengwaga ye masome a mahlano ye e fetilego gomme ke ona a a mpabaletšego ka mengwaga ye ka moka. A phološitše bomme. A phološitše bana b'ešo. Le wena a tlo go phološa ka pela-pela – ka go ponya ga leihlo – ge o dumelela Jesu go tseba pelong ya gago. Go dio ba wa kereke fela go ka se go phološe. Ke Jesu e a phološago mang le mang e a tlogo go yena. Ke se a se tletšego ge a tilele mono lefaseng.

Dikgwedi tše dingwe tše di fetilego re be re dula le mohlogadi yo mongwe. Monna wa gagwe ge a sa le mo lefaseng, a phela ka go tshwenyega mengwaga ye masome a mabedi. O be a e-nwa kudu a ba a itwatsa 'me a tswenya mosadi wa gagwe le bana ba gagwe. Bona ba fela ba mo rapelela. Modimo a mo phološa, a mo lokolla dibeng tša gagwe ka moka.

Ebangedi e na le matla a go phološa malapa, metse, ditoropo le dinaga ka moka. Mengwaga ye masome a seletago ye e fetilego, go ile gwa ba le tsošeletšo nageng ya Wales. Metse e mentši ya phološwa moka 'me ka baka la tše nwa ya thibelwa lefaseng la England. Toropo e kgolo ya Ninife ya phološwa timelong ka go theeletša molaetša wa moporofeta Jona. Modimo a ka phološa ditšhaba ka moka. O bolela o re: "**Boelang go nna le phološwe, lena ba magomo ohle a lefase.**" (Jesaya 45:22). Beibele le dipuku tša ditaba tša kgale tša lefase di tletše dipontšho tša matla a go phološa ga Modimo. Morongwa wa Modimo a botša Josefa, Jesu a s'ešo a belegwa, a re: "O tlo mo rea leina la Jesu, gobane ke yena a tlo go **phološa setšhaba sa gagwe dibeng tša sona.**" (Mateo 1:21). (Go phološwa dibeng ke go lokollwa ditleng tša sebe).

MATLA A A FODIŠAGO

Modimo a botša Moše a re: "Ke nna Morena, ngaka ya gago." (Ekisodo 15:26). Modimo o ile a bonagatša nnete

ya Lentšu la gagwe le le sa fetogego. E be le le yena ngaka ya bana ba leraele a nnoši mengwaga ye masome a mane. Mo go batho ba e ka bago 3,000,000 go be go se ka o tee e a fokolago goba e a lwalago. Go be go se ngaka magareng a bona, go sa šomišwe melemo. Le ge ba lomilwe ke dinoga, ba fodišwa ke go lebelela noga ya tshipi, ye e bego e le seswantšho sa Kreste.

Dikete tša batho ba ba phelago lehono ba ka hlatsela matla a a fodišago a Morena Jesu Kreste. Molepera o ile a tla go Jesu a thakgafatšwa. Difofu tša bulwa mahlo. Difoa tša kwa le dimuma tša bolela; digole tša tsamaya 'me bahu ba tsošwa ka matla a bophelo bja Morena Jesu Kreste. Ge go ka be go se na phodišo Ebangedi le leineng la Jesu, gona pampiri ye e be e ka se ngwalwe; gobane le nna mong ke be ke le makgatheng a lehu ka mabaka a mangwe, eupša ka fodišwa ka matla a Lentšu la gagwe. Ruri Jesu o ipelešitše dibe tša rena le malwetši a rena a di nametša sefapanong ka mmele wa gagwe. Ke yeña yo re **fodilego ka dintho tša gagwe.**

Mo go Dipsalme 103:2,3 re bala: "Moya waka, reta Morena! O se lebale tše di botse tše a go diretšego tšohle, a go lebalela melato ya gago yohle; a go fodiša malwetši a gago ka moka." Jesu o tseba go fodiša mmele le moya wa motho. O fodiša pelo ye e gobaditšwego le moya wo o robegilego. Dafida o re: "O lapološa moya waka." "Ke tlo go alafa ka go tlemelela, ka fodiša dintho tša gago." (Jeremia 30:17). Modimo yo a dirilego motho ka lerole la lefase, o na le matla a go mo fodiša le a go mo fa mmele wo o thabilego.

Kwa Lesotho go be go na le morwa wa kgoši enngwe, e a gobaditšwego mokokotlo ka go wa ge a nametše pere. Dinoka tša gagwe tša oma, a palelwa go šomiša maoto a gagwe, le ge e le d'khunwane tša gagwe, a no robala a kanamile mengwaga e mebedi. Ka go kwa le ka go amogela Ebangedi ya matla a lebelelwa dibe tša gagwe a hwetša bophelo bjo bofsa mo go Kreste. Ge a rapelelwa, a fola ka tumelo e sa le semetseng, a ema ka maoto, a ba a namela pere.

Madihotetso, mojalefa wa kgoši e kgolo ya Lesotho o be a hlakane hlogo. A fetša mengwaga a tlengwa ka ditleng tša mehuta-huta. Dingaka tšohle tša Babašweu le tša Basotho tša palelwa go mo thuša. Mohlanka e mongwe wa Modimo a mo rapelela 'me Modimo a mo lokolla. Phodišo ye ya šišinya naga ka moka.

Nka se lebale phodišo ya mohumagadi wa van Rooyen, mong wa polase e kgolo kwa Freistata. O ile go tswala ngwana wa gagwe wa mothomo a napa a lwala gagolo. O dirilwe diopherešene (operations) tše masome a mabedi le metšo e mene ka mengwaga ye lesome le metšo e mehlang. Ba mmušetša gae a le makgatheng a go hwa. O be a se sa kgona go šikinya le ge e le setho se tee. O be a se sa bona, a se sa kwa 'me ba re o hwile. Ba epa lebitla, ba reka lekese ba mema meloko go tla go

mmoloka. Ka yona nako ye Modimo a roma mohlanka wa gagwe go y'o mo rapelela. Thapelong ya gagwe a bolela mantšu a a lego pukung ya Markea 16:18. "Ba ba dumelago ... ba tlo bea balwetši diatla, ba fola." Modimo a kgoma mosadi yo. A tsoga a fodile ruri.

MATLA A MADI A JESU

Ga go sesepe goba sehlare sa mohuta ofe le ofe se se kgonago go tloša dibe. Ke ka matla a madi a Jesu fela dipelo tša rena di kgonago go hlatswiwa dibe tšohle. Ge re ka re: Ga re na sebe, re a iphora, 'me therešo ga e gona mo go rena. Ge re ipolela dibe tša rena, gona ka ge yena e le wa potego le toko, o re lebalela dibe a re hlatswa bokgopo ka moka. Madi a Jesu Krete morwa wa Modimo a re hlatswa dibe tšohle. (1 Johane 1:7-10). Mo go Kutollo 7:9-17 re bala ka ga lešaba le legolo la batho ba go sego motho e a ka kgonago go ba bala, ba ditšhaba ka moka, le meloko ka moka, le merafo ka moka le maleme ka moka ba ba hlatswitšego dikobo (dipelo) tša bona mading a Kwana ya Modimo.

Petro le Johane ba re botša ka ga matla a go re lokolla a a lego mading a Jesu. A re hlatswa dibe tšohle 'me a re lokolla pušong ya sebe. Modimo o re rekile ka madi a morwa wa gagwe, gore re tle re be ba gagwe. Ga re a hunollwa ka tše di felago boka gauda le silfer, re hunolotšwe ka madi a tšeko e kgolo a Krete, a yena Kwana e e se nago senyaló le bosodi. (1 Petro 1:18-19). "O na le bao o ba reketšego Modimo ka madi a gagwe, ba e-tšwa go meloko yohle le maleme ohle le ditšhaba tšohle le go Bantle bohle, wa ba dira magoši le baperisita ba Modimo wa rena." (Kutollo 5:6-9).

Madi a Jesu a na le matla a go re šireletša bobeng bja lenaba. Bana ba Iseraele lefaseng la Egipta ba ile ba šireletšwa ke madi dijakwaneng tša dintlo tša bona, ge morongwa wa lehu a feta a bolaya maitšibulo. Modimo o itše: "Ge ke bona madi, ke tlo feta." (Ekisodo 12:13). Rahaba le batho ba gagwe ba ile ba phološwa ke thapo ye khwibedu lešobeng la ntlo ge motse wa Jeriko o phušolwa. (Jošua 2:18-21). Ge wena o ka dumela, madi a Jesu a tlo go phološa. "Dumela Morena Jesu ke mo o tlo go phološwa le ba ntlo ya gago." (Ditiro 16:30-31). Batho ba ba dutšego Lesotho, nageng ya legola, ba be ba bofelela mašelana a makhwibedu mekokotlong ya dikgogwana tša bona. Ba tsebile gore pekwa e ka se sware kgogwana ye e nago le lešelana le le khwibedu. Pukung ya Kutollo 12:11 re bala gore bakgethwa ba fentše Satane ka matla a madi a Kwana. Madi a bohlokwa a Kwana a na le matla a go dira dimakatšo.

MATLA A THAPELO

Thapelo ya badumedi ba ba kgethagilego e na le matla a a fetišago tekanyo. Thapelo e fetoša ditaba le mapehelelo a batho. Jesu o rile: "Kgopelang ke mo le tlo go fiwa." Molephera a kgopela Jesu gore a mo thakgafatše – 'me Jesu a dira bjalo. Bolwetši bja gagwe bja mo tlogela ka

pela. Monna wa sefoku o ile a goeletša go Jesu, a kgopela go gaugelwa, 'me a boela a bona. Banna ba bane ba ile ba rwala yo a rephilego ditho ba mo iša go Jesu gore a mo fodiše – 'me Jesu a dira bjalo. Matla a thapelo a phala matla a dibomo. Thapelo e kgona go phološa motho le gona e ka fetoša setšhaba ka moka.

Eliya e be e le motho e a fokolago boka rena; gomme o kile a rapela a re pula e se ke ya na; 'me gwa feta mengwaga ye meraro le dikgwedi tše di seletago go sa ne pula lefaseng. A boela a rapela, 'me legodimo la neša pula. Le gona o ile a rapela thapelo ya mantšu a sego makae 'me mollo wa theoga o e-tšwa legodimong, wa fiša sehlabelo le dikgong, mafsika le lerole 'me wa latswa meetse lengopeng. Thapelo ya monna o tee yo ya bušetša setšhaba ka moka sa Iseraele go Modimo. Kgoši Hiskia a rapela ge manaba a mo tsenela boka mafula a meetse. Modimo a mo araba ka go romela morongwa wa gagwe mešašeng ya manaba. Morongwa yo a bolaya masole a 185.000 ka bošego bjona bjo. Jesu le yena o be a fela a rapela. Ka lebaka le lengwe sefahlogo sa gagwe se ile sa fetoga le diaparo tša gagwe tša ba tša šweufala tša phadima. Gantši o be a rapela bošego ka moka. A rapela a ikona dijo. A rapela a tlaletšwe; dikudumela tša gagwe tša ba bjalo ka marothodi a madi. A fenya sebe, le nama le diabololo ka thapelo. O re laetše gore le rena re rapele ka mehla.

MATLA A TUMELO LE MATLA A LERATO

Jesu o boletše gore ge re ka ba le tumelo ye e lekanago le thorwane ya lehloko, re tlo šuthiša dithaba. (Mateo 17:20). Ka tumelo tšohle di a kgonega. Ka tumelo ba fentše dikgoši, ba dira tša go loka, ba amogela tše ba di holofedišitšwego, ba thiba melomo ya ditau, ba tima matla a mollo, ba efoga magale a marumo, ba tia matla ba lapile, ba ba bagale ntweng (Dafida le Goliath), ba raka dira tša manaba (BaHebere 11:33-34). Gomme phenyo ye e fentšego lefase ke tumelo ya rena. (1 Johane 5:4).

Matla a magolo-golo a Modimo a bonagaditšwe leratong la gagwe. Lerato ke le matla boka lehu. Le fenya manaba a a tiilego. Krete a re hwela re sa le badiradibe. Mola re sa le manaba, ra boelanywa le Modimo ka go hwa ga Morwa wa gagwe. (Ba-Roma 5:8-10). Modimo o ratile lefase gakaakaa, a ba a le nea Morwa wa gagwe e a tswetšwego a nnoši, gore mang le mang e a mo dumetšego a se ke a lahlega, a be le bophelo bjo bo sa felego. (Johane 3:16). Lerato la Modimo le re fa matla a go mo direla le go boloka melao ya gagwe. Le re gapeletša go rwala sefapano le go mo latela ka mehla. Lerato le raka poifo. Ga go na se se kago re aroganya le lerato la Krete. Re fentše moka ka yo a re ratilego. E ka ba lehu goba bophelo, e ka ba barongwa goba magoši, le ge e ka ba tša mehlang ya bjale, goba tše di sa tlo go tla, le ge e le matla mang. Le ge e ka ba tša kwa godimong, goba tša kwa tlase, le sebotja mang ga go se se kgonago go re aroganya le lerato la Modimo le lego mo go Jesu Krete. (Ba-Roma 8:35-39).

MATLA A A RE GOGELAGO GO JESU

Jesu ke matla a a gogelago batho go yena. O ile a re: "Gomme nna e tlo re ge ke phagamišwa ke tlo gogela bohle go nna." (Johane 12:32). Jesu ga a re gape ka go re tšošetša, o re gogela go yena boka modiši yo bolo ge a bitša dinku tša gagwe. "Nkgoge ke go šale morago." (Sefela sa Difela 1:4). O re bitša gore re tlogele dibe le lefase, re mo latele mafulong a matala le meetseng a makhutšo. "Gobane Morena yena mong o tlo fologa legodimong ka kgowa ya Morongwa-mogolo, ka phalafala ya Modimo; ke mo bao ba hwetšego go Krete ba t'lo go tsoga pele. Gwa tlo latela rena ba re šetšego re phela, ra rotošetšwa marung (ra gogelwa marung) gammogo le bona – ka go ponya ga leihlo – ra y'o gahlanetša Morena sebakeng sa godimo, ya tlo ba gona go y'o ba le Morena go ya go ile. (1 Ba-Thesalonika 4:13-18; 1 Ba-Korinthe 15:51-58).

MATLA A A BOPAGO DIBOPJA TŠE DISWA

A nke ke bolele ka matla a Ebangedi a a re bopago ka boswa, badiradibe ba dirwa bakgethwa. Kgoši Dafida o tsebile matla ao ge a rapela a re: "Modimo, mpopele pelo e sekilego. Buša o nneele moya wa go tia ka teng ga-ka. (Dipsalme 51:10). Le ge a fentše manaba a Modimo gantši, a lemoga gore lenaba le le tiilego go feta manaba ohle ke pelo ya motho ka nnoši. "Pelo ye yona mmatamano-mabe, ke yona lešaedi; e hlathwa ke mang." (Jeremia 17:9). Jesu o ile a re: "Mo pelong tša batho ke mo go hlagago dikgopolo tše mpe tša maotswa, le tša bohodu, le tša polao. Le tša tlhalo, le tša megabaru, le tša lonya, le tša bomenetša, le tša bohori, le tša mona, le tša mahlapa, le tša boikgodišo, le tša bošilo. Tše mpe tše ka moka di hloga pelong. (Mareka 7:21-23).

Dafida o lemogile gore yena a ka se kgone go fetola pelo ya gagwe le ge e le go e hlatswa. Ka fao o ile a rapela ka go itshola, a kgopela Modimo e a hlodilego legodimo le lefase, gore yena a mmopele pelo e sekegilego, a mo fe moya wo o lokilego, Moya o Mokgethwa. Modimo a araba ka mo a tšhepišitšego. "Ke tlo le nea pelo empsha, ka bea moya o mofsa teng ga lena. Nameng ya lena ke tlo ntšha pelo ye ya lefsika, ka le nea pelo ya nama. Ke tlo bea moya wa-ka teng ga lena, ka le dira batho ba ba latelago melao ya-ka, ba ba hlokomelago mekgwa ya-ka ba e dira. (Hesekiele 36:26-27). "Ke tlo bea melao ya-ka matswalong a bona; ke tlo e tloka dipelong tša bona." (Ba-Hebere 8:10-11).

Re hlaeletšwe ke sebaka sa go bolela ka matla a Lentšu la Modimo. Gobane Lentšu la Modimo ke le le phelago, ke le matla; ka bogale le phala tšhoša efe le efe ya magale amabedi. "Le tsebe bogolo-golo bja matla a gagwe a a dirago mo go rena ba re dumelago. Ke ona matla ao a tšweleditšego tiro ye a e kgonnogo, matla ao a bonetšego ge a tsoša Krete bahung, a mo dudiša ka letsogong le letona la gagwe kwa legodimong. A mo phagamiša godimo ga babuši bohle le ba matla bohle le maina ohle a kago bolwa, e sego a lebakeng leno fela, le a lebakeng le le t'lo go tla. (Ba-Efeso 1:19-21).

Jesu o ile a re: "Le tlo fiwa matla ge Moya-Mokgethwa o theogela go lena." Ka letšatši la Pentecoste matla ao a šišinya motse ka moka wa Jerusalema. Gomme matla ao a sa le gona le matšatšing a lehono, "gobane kholofedišo e e-ra lena le bana ba lena, le ba lego kgole bohle, bao Morena Modimo wa rena a sa t'lo go ba bitša ba tla." (Ditiro 2:39).

MATLA LEINENG LA JESU

Leina la Jesu le na matla a a makatšago. "Le gona ka tlase ga legodimo ga go leina le lengwe le batho ba le neilwego, le re kago phološwa ka lona." (Ditiro 4:12). Jesu o re: "Ba tlo leleka meoya e mebe ka leina la-ka; ba tlo bolela ka maleme a mafsa; ba tlo bea balwetši diatla, ba fola." (Mareka 16:17,18). "Se le se kgopelago ka leina la-ka, ke tlo se dira." (Johane 14:13,14; 15:16; 16:23). Petro a bolela le monna e a belegwego e le segole a re: "Ka leina la Jesu Krete wa Natsaretha tsoga o.sepele." Monna yo a nanoga a ema, a sepela a tšama a sela, a reta Modimo. (Ditiro 3:1-9). "Leina la gagwe (Jesu) ke: Matete, Moeletši, Modimo yo matla Tate wa go sa felego, Kgoši ya Kagišo." (Jesaya 9:5,6). "Ke ka, baka leo Modimo a mo godišitšego gagolo, a mo setša ka leina le le fetago maina ohle, gore leineng la Jesu go khuname matolo ohle a ba lego kwa legodimong le mo lefaseng le ka tlase ga lefase; maleme ohle a dumele a re: Jesu Krete ke yena Morena, 'me ya tlo ba go reta Modimo Tat'agwe." (Ba-Filipi 2:9-11). "Gobane ge o ipolele ka molomo wa re: Jesu ke yena Morena! Wa r'yalo o dumela ka pelo gore Modimo o mo tsošitše bahung, gona o tlo phološwa. (Ba-Roma 10:8-11).

Jesu o hwile ka baka la gago 'me o tsogile bahung ka baka la gago. Mo khunamele, o rapele, o dumele, gomme o ipolele ka molomo o re: Jesu ke yena Morena. E a mo dumelago a ka se lewe ke dihleng.

J.R. Gschwend.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

For free Gospel literature, books and tracts in over 540 languages, write to:

EMAIL: info@angp.co.za

ALL NATIONS GOSPEL PUBLISHERS

P.O. Box 2191, PRETORIA, 0001, R.S.A.

(A Gospel Literature Mission financed by donations)

(Reg. No. 1961/001798/08)